

**Rafizi cabar Muhyiddin debat berkenaan pendirian PKR melibatkan produk 1Malaysia**

**Malaysian Insider**

**April 23, 2013**

**Oleh Md Izwan**

PETALING JAYA, 23 April — Rafizi Ramli hari ini berkata hanya akan menjawab cabaran Tan Sri Muhyiddin Yassin supaya PKR menyatakan pendirian mereka melibatkan produk 1Malaysia dalam satu debat ekonomi.

Rafizi dalam sidang media di ibu pejabat PKR di sini, mempelawa timbalan pengerusi BN itu ke satu debat ekonomi bagi mengupas tentang isu produk 1Malaysia.

“Saya berbesar hati untuk mengupas isu ini lebih panjang dan menyatakan pendirian sama ada akan menghapuskan barangan 1Malaysia di dalam satu forum ekonomi yang turut disertai Tan Sri Muhyiddin Yassin,” kata Rafizi.

Rafizi walau bagaimanapun menekankan dua kaedah yang ditawarkan PKR untuk menangani beban sara hidup yang dihadapi rakyat, serta mengkritik pengenalan produk 1Malaysia tidak berkesan dalam meringankan beban rakyat.

“Cara terbaik adalah menyelesaikan dua perkara iaitu mengawal dan menurunkan harga barang.

“Kedua mengurangkan beban hutang rakyat herotan di dalam pasaran,” tambahnya lagi.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/rafizi-cabar-muhyiddin-debat-berkenaan-pendirian-pkr-melibatkan-produk-1malaysia/>